

## ԱՐՉԱՆԱԳՐՈՒԹՅՈՒՆ N 29

«Հազարամյակի մարտահրավեր» հիմնադրամ - Հայաստան ՊՈԱԿ-ի  
Կառավարման խորհրդի 2008թ. մայիսի 26-ին ժամը 17:00-ին ՀՀ Կառավարության  
նիստերի դահլիճում կայացած հերթական նիստի

### Նիստը նախագահում էր.

ՀՀ Վարչապետ, «Հազարամյակի մարտահրավեր» հիմնադրամ - Հայաստան ՊՈԱԿ-ի  
Կառավարման խորհրդի նախագահ Տիգրան Սարգսյանը

### Մասնակցում էին՝

#### Կառավարման խորհրդի անդամներ.

Արմեն Գևորգյանը	ՀՀ փոխվարչապետ, ՀՀ տարածքային կառավարման նախարար
Վահրամ Ներսիսյանցը	«Հազարամյակի մարտահրավեր» հիմնադրամ - Հայաստան ՊՈԱԿ-ի Կառավարման խորհրդի փոխնախագահ, ՀՀ Նախագահի տնտեսական հարցերով գլխավոր խորհրդական
Տիգրան Դավթյանը	ՀՀ ֆինանսների նախարար
Ներսես Երիցյանը	ՀՀ էկոնոմիկայի նախարար
Գուրգեն Սարգսյանը	ՀՀ տրանսպորտի և կապի նախարար
Արայիկ Հովհաննիսյանը	«Հայաստանի ավազանիների ասոցիացիա» ՀԿ-ի նախագահ
Վանիկ Սողոմոնյանը	«Ֆերմերների ազգային միավորում» ՀԿ-ի նախագահ
Աշոտ Ոսկանյանը	«Ազրոզարգացում» ՀԿ-ի նախագահ
Կարեն Նազարյանը	Հայաստանի միջեկեղեցական բարեգործական կլոր սեղանի գործադիր տնօրեն

#### Կառավարման խորհրդի դիտորդներ.

Կարինե Դանիելյանը	«Հազարամյակի մարտահրավեր» հիմնադրամ - Հայաստան ՊՈԱԿ-ի Կառավարման խորհրդի բնապահպանական դիտորդ, «Համուն կայուն մարդկային զարգացման ասոցիացիա» ՀԿ-ի նախագահ
Ալեքս Ռասինը	Հայաստանում ԱՄՆ «Հազարամյակի մարտահրավեր» կորպորացիայի գրասենյակի տնօրեն

### Նիստից բացակայում էր.



ՀՀ Վարչապետը ողջունեց նիստի ներկաներին և հույս հայտնեց, որ համատեղ աշխատանքը կլինի արդյունավետ և կնպաստի ծրագրի իրականացմանը:

### **Նիստի օրակարգում ներկայացված էին հետևյալ հարցերը.**

1. «Հազարամյակի մարտահրավեր» հիմնադրամ – Հայաստան» ՊՈԱԿ-ի 2006թ. սեպտեմբերի 1-ից 2007թ. դեկտեմբերի 31-ն ընկած ժամանակահատվածի աուդիտի արդյունքների ներկայացում ի գիտություն:
2. «Հազարամյակի մարտահրավեր» հիմնադրամ – Հայաստան» ծրագրի Ոռոգվող գյուղատնտեսություն ենթածրագրի Ենթակառուցվածք բաղադրիչի շրջանակներում տեխնիկական խորհրդականի ընտրության արդյունքների և տեխնիկական առաջադրանքի քննարկում և հաստատում:
3. «Հազարամյակի մարտահրավեր» հիմնադրամ - Հայաստան» ծրագրի Սոցիոթրինգի և գնահատման պլանի վերանայված տարբերակի քննարկում և հաստատում:
4. «Հազարամյակի մարտահրավեր» հիմնադրամ - Հայաստան» ծրագրի Սոցիոթրինգի և գնահատման բաղադրիչի շրջանակներում Գյուղատնտեսական գործունեության հետազոտության հաջորդ փուլերի համար խորհրդատվական ծառայությունների համար դիմած ընկերությունների կարճ ցուցակի և առաջարկների ներկայացման հրավերի քննարկում և հաստատում:
5. «Հազարամյակի մարտահրավեր» հիմնադրամ -Հայաստան» պետական ոչ առևտրային կազմակերպության և «Գյուղական ֆինանսավորման կառույց» ծրագրերի իրականացման գրասենյակ պետական հիմնարկի միջև կնքված Իրականացման պայմանագրի Հավելված V-ի փոփոխության քննարկում և հաստատում:
6. «Հազարամյակի մարտահրավեր» հիմնադրամ – Հայաստան» ծրագրի Ոռոգվող գյուղատնտեսություն ենթածրագրի Ենթակառուցվածք բաղադրիչի «Երրորդ կարգի ջրանցքների վերականգնման նախագծում և շինարարության վերահսկում» IA-07/002 խորհրդատվական ծառայությունների մրցույթի տեխնիկական առաջարկների գնահատման արդյունքների քննարկում և հաստատում:
7. Այլ հարցեր`  
  
ա/ «Հազարամյակի մարտահրավեր հիմնադրամ - Հայաստան» ծրագրի «Ոռոգվող գյուղատնտեսություն» ենթածրագրի «Ենթակառուցվածք» բաղադրիչի շրջանակներում նախագծվող Արգիճիի ջրամբարի տարածքում հողի սեփականության վերաբերյալ առկա խնդիրների քննարկում:

Օրակարգը հաստատվեց միաձայն:

### **Նիստի ընթացքում.**

**Օրակարգի 1-ին հարցը** ներկայացրեց ՀՄՀ-Հայաստան ՊՈԱԿ-ի գլխավոր գործադիր տնօրեն Արա Յովսեփյանը:

ՀՀ Վարչապետ Տիգրան Սարգսյանը հարցրեց, թե անցկացված աուդիտից առաջ ՀՄՀ-Հայաստան ՊՈԱԿ-ում աուդիտ անցկացվել է, թե` ոչ:

Արա Յովսեփյանը պատասխանեց, որ մինչ այդ ՊՈԱԿ-ում աուդիտ չէր իրականացվել և տվյալ աուդիտը ՊՈԱԿ-ի առաջին աուդիտն է:

Կարեն Նազարյանը նշեց, որ աուդիտի արդյունքների «Ներքին վերահսկողություն» բաժնում նշված է, որ «ՀՄՀ-Հայաստանը չունի ծրագրերի կառավարման կարևորագույն ոլորտների վերաբերյալ բողոքների ստացման, գնահատման և պահպանման ընթացակարգ»: Սակայն այս կետում անհրաժեշտ է ավելացնել, որ բացակայում է նաև արձագանքման մեխանիզմը: Բացի այդ, հաշվետվության մեջ պարզաբանված չէ, թե այդ բացը ինչ կարգով պետք է լրացվի:

Արա Հովսեփյանը պարզաբանեց, որ այստեղ խոսքը գնում է թե՛ զծի /«hotline»-ի/ մասին, որը քննարկվել է նաև Գրանթ Թորնթոն Ամիո ընկերության հետ: Տվյալ պահին ՀՄՀ-Հայաստան ՊՈԱԿ-ը այդ կարգի ներքին համակարգ չունի, սակայն այդ հարցը հաշվի կառնվի հետագա գործունեության ընթացքում:

Կարեն Նազարյանն ավելացրեց, որ շատ դրական կլինի, եթե առկա լինի այդպիսի կապ, որպեսզի ցանկացած անձ, հնարավորություն ունենալով պահպանել իր անձի գաղտնիությունը, կարողանա հարցեր և առաջարկներ ներկայացնել ՀՄՀ-Հայաստան ՊՈԱԿ-ին:

ՀՀ Վարչապետ Տիգրան Սարգսյանը հարցրեց, թե արդյոք նմանատիպ հնարավորություն ՀՄՀ-Հայաստան ՊՈԱԿ-ի ինտերնետային կայքը չունի:

Արա Հովսեփյանը հայտնեց, որ նմանատիպ հնարավորություն վերկայքը նախատեսում է, բացի այդ ՀՄԿ-ն ունի տեսուչ, ով կես տարին մեկ անգամ այցելում է Հայաստանի Հանրապետություն և հանդիպումներ ունենում բոլոր շահառու կողմերի հետ՝ հնարավորություն տալով վերջիններիս ներկայացնել իրենց հուզող հարցերն ու բողոքները:

Վահրամ Ներսիսյանը հարցրեց ՀՄՀ-Հայաստան ՊՈԱԿ-ի գլխավոր գործադիր տնօրենի կարծիքը աուդիտ իրականացրած կազմակերպության կատարած աշխատանքի որակի մասին:

Արա Հովսեփյանը հայտնեց, որ ՀՄՀ-Հայաստան ՊՈԱԿ-ը բավարարված է աուդիտորական ընկերության կատարած աշխատանքներով:

Քննարկումներից հետո **միաձայն որոշվեց՝** ընդունել ի գիտություն «Հազարամյակի մարտահրավեր» հիմնադրամ – Հայաստան» ՊՈԱԿ-ի 2006թ. սեպտեմբերի 1-ից 2007թ. դեկտեմբերի 31-ն ընկած ժամանակահատվածի աուդիտի արդյունքները:

**Օրակարգի 2-րդ հարցը** ներկայացրեց ՀՄՀ-Հայաստան ՊՈԱԿ-ի գլխավոր գործադիր տնօրեն Արա Հովսեփյանը:

Վահրամ Ներսիսյանը խնդրեց պարզաբանել, թե հնարավոր է արդյոք դադարեցնել խորհրդատուի հետ կնքված պայմանագիրը, եթե աշխատանքների իրականացման ընթացքում պարզվի, որ վերջինս կեղծ տեղեկություններ է ներկայացրել լեզվի իմացության վերաբերյալ:

Արա Հովսեփյանը պարզաբանեց, որ այդպիսի հնարավորություն միանշանակ առկա է:

Արմեն Գևորգյանը հարցրեց, եթե Հազարամյակի մարտահրավեր ծրագիրը կասեցվի կամ դադարեցվի, արդյոք խորհրդատուն շարունակելու է կատարել պայմանագրով նախատեսված աշխատանքները և վճարվելու դրա համար:

Արա Հովսեփյանը հայտնեց, որ նմանատիպ իրավիճակի առկայության պարագայում խորհրդատուի հետ կնքված պայմանագիրը ևս դադարեցվում է:

ՀՀ Վարչապետ Տիգրան Սարգսյանը հարցրեց, թե ինչ ժամկետով է կնքվելու պայմանագիր տվյալ խորհրդատուի հետ:

Արա Յովսեփյանը հայտնեց, որ խորհրդատուի հետ պայմանագիրը կնքվելու է մինչև Հազարամյակի մարտահրավեր ծրագրի վերջը, այն է՝ 2011թ. սեպտեմբեր ամիսը:

Արայիկ Յովհաննիսյանը խնդրեց պարզաբանել տեխնիկական առաջադրանքում ներկայացրած այն տեղեկատվությունը, համաձայն որի խորհրդատուն աշխատանքները պետք է իրականացնի 5 ամիս տևողությամբ:

Արա Յովսեփյանը պարզաբանեց, որ Հայաստան կատարվող՝ խորհրդատուի յուրաքանչյուր այցը պետք է տևի մոտ 5 ամիս, որից հետո վերջինս մեկ ամսով ընդմիջում է ունենում և այդ մեկ ամսից հետո նորից 5 ամսով այցելում է ՀՀ: Այդպես աշխատանքներն իրականացվում են մինչև պայմանագրի ավարտը: Ընդմիջման ընթացքում խորհրդատուն չի վարձատրվում:

Քննարկումներից հետո **միաձայն որոշվեց՝** հաստատել «Հազարամյակի մարտահրավեր» հիմնադրամ – Հայաստան» ծրագրի Ռոզովոյ գյուղատնտեսություն ենթածրագրի ենթակառուցվածք բաղադրիչի շրջանակներում տեխնիկական խորհրդականի ընտրության արդյունքները և տեխնիկական առաջադրանքը:

**Օրակարգի 3-րդ հարցը** ներկայացրեց ՀԱՀ-Հայաստան ՊՈԱԿ-ի գլխավոր գործադիր տնօրեն Արա Յովսեփյանը:

Աշոտ Ոսկանյանը հայտնեց, որ ներկայացված տեղեկանքում նշված է, որ Մոնիթորինգի և գնահատման պլանը մինչև օգոստոս-սեպտեմբեր ամիսները ևս մեկ անգամ ենթակա է փոփոխման, այդ պարագայում արդյոք ավելի նպատակահարմար չէ ի սկզբանե անել մեկ փոփոխություն, քանի որ ակնհայտ է, որ երկու փոփոխությունների միջև ընկած ժամանակահատվածը կազմելու է առավելագույնը մեկ-երկու ամիս:

Արա Յովսեփյանը հայտնեց, որ տվյալ հարցը քննարկվել է ՀՄԿ-ի հետ, սակայն վերջիններս առաջարկել են արդեն իսկ փոփոխել պլանում առկա աշխատանքային ցուցանիշները, իսկ հետագայում, երբ հայտնի լինեն ծրագրային ցուցանիշները՝ կատարել երկրորդ փոփոխությունը:

Կարեն Նազարյանը հայտնեց, որ պլանի ընդհանուր ուսումնասիրությունից կարելի է եզրակացնել, որ շահառուների դերը այստեղ չի երևում, այնինչ ցանկացած ծրագիր արդյունավետ է լինում, եթե շահառուներն անմիջական մասնակցություն են ունենում մոնիթորինգի գործընթացին, ուստի նպատակահարմար է, որ շահառուները ևս մասնակցություն ունենան այս գործում:

Արա Յովսեփյանը ողջունեց առաջարկը, և հայտնեց, որ անհրաժեշտ է հանդիպել և պայմանավորվածություն ձեռք բերել այն հարցի շուրջ, թե ինչպես պետք է շահառուները և շահառուների խորհուրդը ներառվեն մոնիթորինգի իրականացման գործընթացում: Միաժամանակ պարոն Յովսեփյանն ավելացրեց, որ ՀԱՀ-Հայաստան ՊՈԱԿ-ը մոնիթորինգի և գնահատման իրականացումը հիմնականում կապում է ՀՀ Ազգային վիճակագրական ծառայության և համապատասխան վարձվող ընկերության հետ, քանի որ հենց վերջիններս են հանդիսանում ոլորտի մասնագետներ:

Վանիկ Սողոմոնյանն առաջարկեց Կառավարման խորհրդի նորանշանակ անդամներին ծանոթանալ Հազարամյակի մարտահրավեր ծրագրի շրջանակներում կնքվող ճանապարհաչիճական պայմանագրերին և դիտարկել պայմանագրում ճանապարհների որակի հետ կապված ավելի խիստ պայմաններ նախատեսելու հնարավորությունը:

Արայիկ Յովհաննիսյանը խնդրեց պարզաբանել, թե ինչ է նշանակում տեղեկանքում ներկայացված այն դրույթը, որ ՀԱՀ-Հայաստան ծրագրային բաղադրիչների շրջանակները ենթարկվում են փոփոխության:

Արա Յովսեփյանը հայտնեց, որ ըստ էության Հազարամյակի մարտահրավեր ծրագրի շրջանակներում իրականացվող աշխատանքները կրճատվում են՝ ելնելով ԱՄՆ դոլարի արժեզրկումից և շինարարական աշխատանքների արժեքի բարձրացումից: Ընդ որում ծրագրով նախատեսված, սակայն գումարի անբավարարության պատճառով չիրականացված միջոցառումները կիրականացվեն ՀՀ պետական բյուջեի, կամ ՀՀ Կառավարության կողմից ներգրավված որևէ այլ միջոցներով, ինչպես մի քանի անգամ նշվել է ՀՄՀ-Հայաստան ՊՈԱԿ-ի կառավարման խորհրդի նախորդ նիստերի ժամանակ:

Ամեն դեպքում, մոնիթորինգի և գնահատման պլանը գնահատում է զուտ ՀՄԿ-ի կողմից տրամադրված միջոցների շրջանակներում կատարված աշխատանքների արդյունքը:

Գուրգեն Սարգսյանն ավելացրեց, որ Հազարամյակի մարտահրավեր ծրագրի հիմնական չափանիշը գումարն է և հաշվի առնելով ԱՄՆ դոլարի արժեզրկումը և գնաճը, ներկայումս նախատեսված գումարով հնարավոր է իրականացնել մոտ երեք անգամ ավելի քիչ աշխատանք, քան նախատեսվում էր ծրագրի ստորագրման պահին:

ՀՀ Վարչապետ Տիգրան Սարգսյանը հայտնեց, որ ՀՀ Կառավարությունը ևս կիսում է առաջ քաշված մտահոգությունը:

Տիգրան Դավթյանն առաջարկեց ՀՄՀ-Հայաստան ՊՈԱԿ-ին՝ կառավարման խորհրդի հաջորդ նիստում ներկայացնել տեղեկատվություն ծրագրի մեկնարկից առ այսօր տեղի ունեցած գնաճի պատճառով նվազեցված աշխատանքների ծավալի և գնի վերաբերյալ, մասնավորապես շեշտադրելով ճանապարհաշինարարական ծրագրերը:

Արա Յովսեփյանն ընդունեց պարոն Դավթյանի առաջարկը:

Վահրամ Ներսիսյանցն ավելացրեց, որ անհրաժեշտ է գնահատել նաև ռիսկերը այն դեպքերի համար, եթե ՀՄԿ-ի ֆինանսավորումը դադարեցվի:

Քննարկումներից հետո **միաձայն որոշվեց՝** հաստատել «Հազարամյակի մարտահրավեր» հիմնադրամ - Հայաստան» ծրագրի Մոնիթորինգի և գնահատման պլանի վերանայված տարբերակը:

**Օրակարգի 4-րդ հարցը** ներկայացրեց ՀՄՀ-Հայաստան ՊՈԱԿ-ի գլխավոր գործադիր տնօրեն Արա Յովսեփյանը:

Արայիկ Յովհաննիսյանը հայտնեց, որ կարծում է ավելի նպատակահարմար կլինի հաշվետվության պահանջներում բացի գյուղապետերից ներգրավել նաև ավագանու ներկայացուցիչների:

Առաջարկից հետո **միաձայն որոշվեց՝** հաստատել «Հազարամյակի մարտահրավեր» հիմնադրամ - Հայաստան» ծրագրի Մոնիթորինգի և գնահատման բաղադրիչի շրջանակներում Գյուղատնտեսական գործունեության հետազոտության հաջորդ փուլերի համար խորհրդատվական ծառայությունների համար դիմած ընկերությունների կարճ ցուցակը և առաջարկների ներկայացման հրավերը:

**Օրակարգի 5-րդ հարցը** ներկայացրեց ՀՄՀ-Հայաստան ՊՈԱԿ-ի գլխավոր գործադիր տնօրեն Արա Յովսեփյանը:

ՀՀ Վարչապետ Տիգրան Սարգսյանը հարցրեց, թե ինչու է փոփոխվում ԳՖԿ ՊՀ-ի կողմից ներկայացվող հաշվետվությունների ցանկը:

Արա Յովսեփյանը պարզաբանեց, որ փոփոխությունը կատարվում է զուտ աշխատանքային գործընթացի արդյունավետությունը բարձրացնելու նպատակով:

Պարզաբանումից հետո **միաձայն որոշվեց՝** հաստատել «Հազարամյակի մարտահրավեր» հիմնադրամ -Հայաստան» պետական ոչ առևտրային կազմակերպության և «Գյուղական ֆինանսավորման կառույց» ծրագրերի իրականացման գրասենյակ պետական հիմնարկի միջև կնքված Իրականացման պայմանագրի Հավելված V-ի փոփոխությունը:

**Օրակարգի 6-րդ հարցը** ներկայացրեց ՀԱՀ-Հայաստան ՊՈԱԿ-ի գլխավոր գործադիր տնօրեն Արա Յովսեփյանը:

Անդրանիկ Անդրեասյանը հայտնեց, որ տվյալ խորհրդատվական ընկերության հետ պայմանագրի կնքումը շատ կարևոր է Հազարամյակի մարտահրավեր ծրագրի Ոռոգման բաղադրիչի իրականացման համար:

**Միաձայն որոշվեց՝** հաստատել «Հազարամյակի մարտահրավեր» հիմնադրամ – Հայաստան» ծրագրի Ոռոգվող գյուղատնտեսություն ենթածրագրի Ենթակառուցվածք բաղադրիչի «Երրորդ կարգի ջրանցքների վերականգնման նախագծում և շինարարության վերահսկում» IA-07/002 խորհրդատվական ծառայությունների մրցույթի տեխնիկական առաջարկների գնահատման արդյունքները:

**Օրակարգի 7-րդ հարցի ա/ կետը** ներկայացրեց ՀԱՀ-Հայաստան ՊՈԱԿ-ի գլխավոր գործադիր տնօրեն Արա Յովսեփյանը:

Արմեն Գևորգյանը հարցրեց, թե արդյոք ՀԱՀ-Հայաստան ՊՈԱԿ-ն ուսումնասիրել է անհրաժեշտ քանակությամբ հողերի առկայությունը պետական պահուստային ֆոնդում:

Արա Յովսեփյանը հայտնեց, որ նմանատիպ ուսումնասիրություն չի իրականացվել:

ՀՀ Վարչապետ Տիգրան Սարգսյանը հարցրեց, թե ջրամբարի թասում տեղակայված հողերը քանի մասնավոր սեփականատիրոջ են պատկանում:

Արա Յովսեփյանը պարզաբանեց, որ ՀՀ Գեղարքունիքի մարզի Գեղիովիտ համայնքի ղեկավարի ներկայացրած տեղեկատվության համաձայն մասնավոր սեփականատերերի թիվը 41 է, իսկ ՀՀ Կառավարությանն առընթեր անշարժ գույքի կադաստրի պետական կողմիտի տվյալների համաձայն՝ 834:

Արայիկ Յովհաննիսյանը խնդրեց պարզաբանել, թե արդյոք այդ անձինք հանդիսանում են հողի օրինական սեփականատեր և ունեն համապատասխան սեփականության վկայական:

Արմինե Սիմոնյանը պարզաբանեց առկա իրավիճակը և ներկայացրեց ՀԱՀ-Հայաստան ՊՈԱԿ-ի ունեցած ամբողջ տեղեկատվությունը:

Արմեն Գևորգյանը խնդրեց Կառավարման խորհրդի նախագահ, ՀՀ Վարչապետ Տիգրան Սարգսյանին՝ տրամադրել մեկ շաբաթ ժամանակ համապատասխան իրավասու մարմինների հետ քննարկումներ ունենալու և արդյունքները Կառավարման խորհրդին ներկայացնելու համար:

Կարինե Դանիելյանը հայտնեց, որ կարևոր է նաև ուսումնասիրել տարածքում բնակվող քաղաքացիների կարծիքները:

Արմեն Գևորգյանը պարզաբանեց, որ համապատասխան հանձնարարական կտա այդ միջոցառումներն իրականացնելու համար:

**ա/ կետի վերաբերյալ միաձայն որոշվեց՝** «Հազարամյակի մարտահրավեր հիմնադրամ - Հայաստան» ծրագրի «Ոռոգվող գյուղատնտեսություն» ենթածրագրի «Ենթակառուցվածք» բաղադրիչի շրջանակներում նախագծվող Արգիճիի ջրամբարի տարածքում հողի սեփականության վերաբերյալ առկա խնդիրների վերաբերյալ տեղեկատվությունն ընդունելի գիտություն և հարցի քննարկումը հետաձգել մինչև Կառավարման խորհրդի հաջորդ նիստ:

Կարեն Նազարյանը տեղեկացրեց, որ ՀՄՀ-Հայաստան ՊՈԱԿ-ի շահառուների խորհրդի նիստերի ընթացքում ՀՄՀ-Հայաստան ՊՈԱԿ-ի կառավարման խորհրդի անդամ հանդիսացող շահառուների խորհրդի ներկայացուցիչները խորհրդի մյուս անդամներին տեղեկատվություն են տրամադրում Կառավարման խորհրդում քննարկված հարցերի մասին, սակայն ըստ էության կապը միակողմանի է, մինչդեռ շատ կարևոր է նաև Կառավարման խորհրդում ներկայացնել շահառուների խորհրդում կայացած քննարկումների արդյունքները և խնդրահարույց հարցերը:

ՀՀ Վարչապետ Տիգրան Սարգսյանը ողջունեց առաջարկը և Կառավարման խորհրդի անունից պատրաստակամություն հայտնեց նիստերի ժամանակ անդրադառնալու նաև շահառուների խորհրդի կողմից բարձրացված հարցերին:

Հարցերի սպառումից հետո նիստն ավարտվեց:

«ՀԱԶԱՐԱՄՅԱԿԻ ՄԱՐՏԱՀՐԱՎԵՐ» ՀԻՄՆԱԴՐԱՄ-ՀԱՅԱՍՏԱՆ»  
ՊՈԱԿ-Ի ԿԱՌԱՎԱՐՄԱՆ ԽՈՐՀՐԴԻ ՆԱԽԱԳԱՀ,  
ՀՀ ՎԱՐՉԱՊԵՏ

Տ. ՍԱՐԳՍՅԱՆ

Նիստը արձանագրեց՝  
«ՀՄՀ-Հայաստան» ՊՈԱԿ-ի իրավախորհրդատու,  
«ՀՄՀ-Հայաստան» ՊՈԱԿ-ի Կառավարման խորհրդի քարտուղար  
Ն. Մարտիրոսյան